

BAIKA A KATAUAKI BWA KANOAN ANA OI-N-TUA TE BOOTAKI

KIBU 5 N TE TUA IBUKIN KARINAKIN MWIIA BOOTAKI 2002-Amended 2023

(TEMPLATE FOR THE RULES OF INCORPORATED SOCIETIES)

SECTION 5 AND 2 OF THE INCORPORATED SOCIETIES ACT 2002-Amended 2023

1. ARAN TE BOOTAKI (NAME OF THE INCORPORATED SOCIETY, WITH THE ADDITION OF THE WORD" INCORPORATED" AS THE LAST WORD OF THAT NAME).

(Ena kabwarabwaraki raoi bwa tera aran te bootaki n aron aio Temauri Community Incorporated)

2. OIN KATEAKI TE BOOTAKI (THE OBJECTIVE OF THE SOCIETY)

Ena kabwarabwaraki raoi bwa tera oin katean te bootaki ao man mataata bwa ena kona n matata raoi bwa tera raoi oin kateana n aron aei:

E a kateaki ara bootaki aio n oin bukina aikai

- i. Kateimatoaan te rau ao te mweeraoi inanon ana tabo te bootaki
- ii. Tararuaan ana tabo te bootaki bwa ena itiaki ao n taraaraoi n taai nako
- iii. Kaungaakin te maiu ni Kiritian irouia kaain te bootaki ao a mwaiti riki ake ena konaa ni iangoi te bootaki

3. ANA TABO TE BOOTAKI ARE E NA KONAA N REKE IAI N TE ARO N REITAKI (THE PLACE WHICH IS TO BE THE REGISTERED OFFICE OF THE SOCIETY TO WHICH ALL COMMUNICATIONS AND NOTICES TO THE SOCIETY MAY BE ADDRESSED)

Ena matata raoi ana tabo te bootaki are ena kona n reke iai te aro n reitaki n ikotaki ma te nambwa n tareboon ao te email address bwa e aonga riki n baiti n reke te aro n reitaki iai. (ngkana akea te Email Address/Meeri ao e riai n karaoaki teuana ibukin te Community)

4. ARON KAAINAKIN TE BOOTAKI (THE MODE IN WHICH PERSONS BECOME MEMBERS OF THE SOCIETY)

Ena kamatataki bwa e kanga kaainakin te bootaki ao antai aika ana kaainna. Ena kamatataki naba bwa ngkana iai te ririki ae kona n tau n kaainna.

5. ARON KABANEAKIIA KAAIN TE BOOTAKI (THE MODES IN WHICH PERSONS CEASE TO BE MEMBERS OF THE SOCIETY)

(Ena kabwarabwaraaki bwa ena kanga ni kabaneaki ke ni kamwawaaki te membwa man kaainakin te bootaki/baikara baika ena kakoauaaki te membwa bwa e karaoi ao e a kabaneaki naba e.g. e aki kakaonimaki te membwa, e a mwaing nako man te bootaki ao tabeua riki... ao nningai ke e kanga aron te kamwaawa e.g. Ena teweaki te maungatabu ibukin karaoan te kamwaawa)

6. ARON KAETAN MA KARAOAN TE ONOONO KE BUUTAN KANOAN ANA TUA (OI N TUA) TE BOOTAKI (THE MODE IN WHICH RULES OF THE SOCIETY MAY BE ALTERED, ADDED TO, OR RESCINDED)

(Ena kabwarabwaraaki bwa nningai ana tai te bootaki ni karaoa te onoono nakon ana Oi n Tua ao n taekinaki ao ni kabwarabwaraaki aron kabwaatakin taian onoono ake a tabekaki [n taai nako n taai nako ao tain karaoan te onoono bon tii inanon ana tai nimaungata te bootaki ao

aron kabwaatan te onono e kakawaki bwa ena koro te mwaiti ae $\frac{3}{4}$ mani mwaitiia kaain te bootaki ae a boutokaa te onono ao e a tibwa konaa ni bwaati te onono]. E kakawaki naba bwa ena kaotaki are mwiin onono ma bitaki ni kabane ana riai ni karokoaki nakon te Tia Tau Mwiiia Bootaki ibukin rinanoakiia ao tauan mwiiia)

7. RINEAIA ANA AOBITIA TE BOOTAKI (THE APPOINTMENT OF OFFICERS OF THE SOCIETY)

(ena kabwarabwaraaki bwa nningai tain kakaraoan te rinerine ibukiia aobitia ao ena kanga aron rineaia; e riai naba bwa ana kaotaki nakoa ake ena boo te rinerine ibukiia ao ni kabwarabwaraaki tabeia n tatannako ibukin te bootaki)

8. RINEAIA AO KAMWAWAKIIA KOMETE, TE MANATIA AO AOBITIA RIKI TABEMAN N ARON NAKOIA MA MWAAKAIA (THE APPOINTMENT AND REMOVAL OF A COMMITTEE, BY WHATEVER NAME, AND OF MANAGERS OR OTHER OFFICERS AND THEIR RESPECTIVE POWERS AND REMUNERATION)

(Ena kabwarabwaraaki aron kabaneakiia ao kabwakakiia kaain te taibora ke ana aobitia te bootaki n aron are ena baaireia te bootaki: e.g. ana konaa ni kabaneaki aobitia ngkana iai kakoauan aia mwakuribuaka ke ni kabua nakon bwain ke mwanen te bootaki, a mwaing nako aobitia man ana tabo te bootaki, e a bon koro maaniia n taua nakoia, ao tabeua riki are ena konaa ni irekereke ma kabaneakin te aobitia.

e kakawaki bwa ena oti are bon tii tain te maungatabu ae ena konaa ni karaoaki aio iai ke ni kamatoaaki te kamwaawa iai)

9. TEWEAN MA KARAOAN NAKO ANA BOOWI TE BOOTAKI MA WAAKI NI BABAAIRE AKE A NA BWAINAKI (THE MODE OF SUMMONING AND HOLDING GENERAL MEETINGS OF THE SOCIETY AND OF VOTING THEREAT)

(Ena kaotaki ana tai ni boowi te bootaki ao ana tai ni maungatabu; tain te boowi e bon nakon are a iangoia kaain te bootaki ma ibukin te maungatabu ao aio are ena bon tii konaa ni karaoaki imwiin koron onoua namwakaina ni waerake; ena bon aki konaa ni karaoaki te maungatabu n aki akaaka ma tii inanon taai akanne are imwiin koron onoua namwakaina

e kakawaki naba bwa ena kaotaki are ena riai ni kakoauaaki ae angiiina (ae ai aron $\frac{3}{4}$) mani mwaitiia kaain te bootaki ae e a kaoti nakon te boowi ao e a tibwa konaa ni waaki te boowi ke te maungatabu anne.

ena oti naba bwa ena kanga aron bwainakin iango ma babaaire ake a tabekaki ao ni karaoaki te kateibai iaioia n te tai anne ; ena tii tetikina te mwaiti are $\frac{3}{4}$ man te mwaiti ae a boutokaa te iango ao e a considered ae e a bwainaki)

10. WAAKI NI BABAAIRE IBUKIN TARARUAAN MA KAWAKINAN MWANEN MA ANA KAUBWAI TE BOOTAKI (THE CONTROL AND INVESTMENT OF THE FUNDS OF THE SOCIETY)

(mwanen te bootaki ena aki tiku inanon bain te Tia Mwane riki ngkana e a tabe n rikirake mwanen te bootaki, ma ena bon riai ni kaukaki ana akaunti te bootaki ao ni kawakinaki iai. Tao bon iai ae konaa ni iai ae ena tiku inanon bain te Tia Mwane ma tao tii iraua naba, are ena konaa n riki bwa ana mwane ni mwakuri te bootaki. Ena kaotaki naba taekan te ribooti ibukin taekan te mwane bwa e kanga aron te ribooti nakon te

bootaki. E kakawaki naba bwa ena kaotaki bwa antai aika ana onimakinaki bwa ana kona n karaoa te buumwane)

11. MWAAKAN TE BOOTAKI (NGKANA IAI) NI KARAOA TE TANGOMWANE (THE POWER IF ANY OF THE SOCIETY TO BORROW MONEY)

(Ena bon konaa ni iai ao n akea mwaakan te bootaki ni karaoa te tangomwane ni kaineti ma are e baaireia. Te tangomwane aei are tiaki n are aongkoa ena tangoaki mwanen te bootaki, ma bon ana tangomwane te bootaki are ena karaoia man rabwata n tangomwane aika a kinaaki mai itinaniku n aron ANZ Bank ao tabeua riki. Ngkana ena iai mwaakan te bootaki ni karaoa aei ao bon tabena manga kabwaraakin te tangomwane anne. Ana kariaia te bootaki bon te moanibwai ae e kakawaki bwa ena anaaki moa, imwaain karaoan ke waakinan te tangomwane aei)

12. BABAAIRE IBUKIN NIKIRAN BWAIN TE BOOTAKI N TE TAI ARE E NA KAMAUNAAKI IAI. (THE DIPOSITION OF THE PROPERTY OF THE SOCIETY IN THE EVENT OF THE BEING PUT INTO LIQUIDATION)

(bon tii te tikina moa te kaeka n te tai aei iaon baairean nikiran aia kaubwai bootaki n te tai are e mauna, bwa ena katukaki inanon bain te Court ao te Tia Tau Mwiiia bwa ngaiia ake ana karaoa te kabanea ni babaaire ni kaineti ma are bon kanoan te Tua Ibukiia Bootaki Aika a Inaomata)

13. KAETIETI IBUKIN TE TIA TUUOA ANA AKAUNTI TE BOOTAKI N TE MWAITI AE TEMANNA KE E RAKA RIKI IAONA AIKA A KAKOAUAAKI AO NI KINAAKI IAON AIA ATATAI N TUOAN TE AKAUNTI (PROVISION FOR THE AUDIT OF ACCOUNTS BY ONE OR MORE APPROVED AUDITORS)

(Ena bon riai ni iai temanna ke uoman n aron are iangoia te bootaki, ae ena riki bwa te tia tuo te akaunti ma ena konaa n tabena aio tao bon te taibora kakaeen te aomata anne ae kinaaki n arana ae te OTETA. Te bwai ae kakawaki bwa te ribooti imwiin tian te tutuo ena katangainaaki nakon te bwanin bwa ena bon ongoraaekinaki iroun te bootaki ao ngkanne katotoon te ribooti e riai bwa ena teimatoa ni karokoaki inanon bain te Tia Tau Mwiiia Bootaki ibukin tauan mwiina)

14. ITERA RIKI TABEUA AKE A NA KONAA NI KAINANOAKI IBUKIN KATAURAOANA MA KAREKEANA MAI IROUN TE BOOTAKI. (ORGANIZATION FOCAL POINT OFFICER AND CONTACT : EMAIL ADDRESS AND PHONE NUMBER)

(Ena tii kaotaki ikai bwa antai ae ena tabena katauraoan ao biriakinan bwaai riki tabeua ake ana konaa ni kainanoaki mai iroun te Tia Tau Mwiiia Bootaki

Eg: ena tiku iroun Te Tia Babaire ma kaain ana taibora ke antai are e onimakinaki ibukin aei: Ena reke n te nambwa ae: _____

Te email address/Meeri ae: _____ (ngkana akea te meeri e riai n karaoaki teuana ibukin baika ana kanakoaki n te meeri)

MWAKORO 2

E kakawaki irouia bootaki ni kabane, bon rabwata ake a kinaaki bwa local communities bwa ena riai ni iai aia Mwakoro 2 ae aongkoa n te mwakoro aei ao a nang bon kaoti aia tua ake bon mai irouia are e konaa n akea ibuakon kanoan te checklist ake titiraki ake 14.

Ena rangi ni konaa riki ni katuruturuaki kanoan mwakoro bwa tuua ake ana kaineti riki ma Oin Katean te bootaki ae n ai aron ae tao ena boutokaa te rau, ena boutokaa te itiaki ke baikara riki ake ana riki bwa Oin Katean te bootaki

Tuua aikai ake ana konaa ni uarokoa te bootaki bwa ena kakioaki raoi nanon are bon oin kateana bwa ena rau te bootaki, ena itiaki ao tao ena aera riki n aron e kabwarabwaraaki bwa oin kateana.

e.g. E a kateaki te bootaki aei n oin bukina aikai:

- i. Boutokaan te rau ao te mweeraoi iaan mweengaia kaain te bootaki ao bon inanon ana tabo te bootaki
- ii. Kateimatoaan te itiaki iaan mweengaia membwa ao ni bon ana tabo te bootaki
- iii. Kamaunaan te nakotaari n aki akaaka inanon ana tabo te bootaki ao bon ni mataniwiin biken te bootaki ibukin totokoan aoraki ake ana konaa n riki nakon te bootaki.

Ngkanne Mwakoro 2 ena riai ni kanoaaki n tuua aika ana irekereke ma oin kateana ae n ai aron aei

1. Tua Ibukin Tararuaan te Rau

- Baikara baike ana konaa ni bwaka iaan aei ae tao e mwakuri ake ena konaa n ekanako mweeraoin te aomata ke bootaki a riai ni bane ni koreaki ikai ae n ai aron aei
 - (i) Manging
 - (ii) Te Un
 - (iii) Karaoan Mwakuri ni loawa nakoia Aine ma Ataei
 - (iv) Te aiwa n te bwakanako n tai
 - (v) Tabeua riki ake bon mai iroun te bootaki ae e na kaineti ma tararuaan te rau

2. Tua Ibukin Tararuaan te Itiaki

- Baika a bwaka iaan tuan te itiaki n aron aei:
 - (i) Karenakoan maange n aki akaaka
 - (ii) Tutuo iaan mweenga ibukin te itiaki
 - (iii) Te Oonibeeki bwa ena itiaki
 - (iv) Ao ngkana tao iai riki

3. Tuan te Mauri

- Baikara baike a bwaka iaan tuan te mauri n aron aei:
 - (i) Te beka n aki akaaka
 - (ii) Ao ngkana tao iai riki ake a irekereke ma tuan te mauri

4. Tuua ake Tabeua

- Baikara tuua ake a aikoa bwaka iaan te itiaki, te rau ao te mauri, a riai ni bane ni koreaki ikai n aron aikai:
 - (i) Aia kabua membwa ke kaain te taibora nakon mwanen ke bwain te bootaki
 - (ii) Te iremwe nakon te boowi
 - (iii) Ao tabeua riki...
- A riai ni bane ni kabwarabwaraaki tuua ni kabane ao ni kaotaki rekenikai (ngkana te mwane ao ena kaotaki te mwaiti bwa iraua) ao ni ikotaki ma tain kabwakaakin te tuua bwa maanraa.

E riai bwa ena kaotaki mwaakan te bootaki ni karaoa te kateitei n te boowi ni kaburebure, riki nakoia koraki ake a kuneaki n aki ongeaba nakon ana tua te bootaki ao n aki kakaonimaki ke n rawa ni kabwakai tuaaia n te mwaiti ao te tai are e riai bwa ena kabwakaaki iai, ma aio are ena bon tabenna te taibora uotakirakean araia koraki aikai ao n tei naba ma ngaiia ibukin te bootaki.